

საქართველოს იუსტიციის სამინისტრო

საქართველოს იუსტიციის სასწავლო ცენტრი
(საჯარო სამართლის იურიდიული პირი)

სატენდერო დოკუმენტაცია

კვების მომსახურების შესყიდვა
გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ კანონის, სახელმწიფო შესყიდვების სააგენტოს თავმჯდომარის 2006 წლის 3 იანვრის №1 ბრძანებით დამტკიცებული „სახელმწიფო შესყიდვების განხორციელების წესის შესახებ დებულების“ და სახელმწიფო შესყიდვების სააგენტოს თავმჯდომარის 2010 წლის 22 ოქტომბრის №9 ბრძანებით დამტკიცებული „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ შესაბამისად.

ქ. თბილისი

2011 წელი

სატენდერო დოკუმენტაცია

სარჩევი

1. A. ინსტრუქტაჟი გამარტივებულ ელექტრონულ ტენდერში მონაწილეობის მისაღებად -----	3-4
2. B. საკვალიფიკაციო მოთხოვნები -----	5
3. C. ტექნიკური დავალება -----	6-7
4. D. პრეტენდენტის ტექნიკური დოკუმენტაცია -----	7
5. E. დამატებითი ინფორმაციის მიღება -----	7
დანართი №1 – კვების მომსახურების ფასთა ცხრილის ფორმა №1 -----	8
დანართი №1 სახელმწიფო შესყიდვის შესახებ ხელშეკრულების პროექტი -----	9-13
დანართი №2 - აფიდავიტი (საილუსტრაციო ფორმა) -----	14

A ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების ვადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

- ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,
- ბ) თუ პრეტენდენტი შეყვანილია მიმწოდებელთა შავ სიაში შესაბამისი შესყიდვის განხორციელებისას,
- გ) პრეტენდენტმა არ წარმოადგინა ან წარმოადგინა ხარვეზის მქონე სატენდერო დოკუმენტაციით მოთხოვნილი საკვალიფიკაციო მონაცემების დამადასტურებელი დოკუმენტი (დოკუმენტები).

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციის ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში. თუ პრეტენდენტი დღგ-ს გადამხდელია სატენდერო წინადადების ფასი უნდა მიეთითოს სისტემაში დღგ-ს ჩათვლით.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლესადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლესადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ასეთ პრეტენდენტს განუსაზღვრავს სამ დღიან ვადას შეუსაბამობის გასწორებისთვის. დაუშვებელია სატენდერო წინადადების ისეთი დაზუსტება რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში ხდება პრეტენდენტის დისკვალიფიკაცია.

თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას წარმოდგინოს საკვალიფიკაციო მონაცემების დამადასტურებელი დოკუმენტები. მიმწოდებლის ვალდებულებები საკვალიფიკაციო მოთხოვნების დამადასტურებელი დოკუმენტაციასთან და მათ წარმოდგენასთან დაკავშირებით მითითებულია სატენდერო დოკუმენტაციაში.

პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენის შემთხვევაში, ხდება მიმწოდებლის დისკვალიფიკაცია. ასეთ შემთხვევაში, შემსყიდველი ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, წარმოდგინოს საკვალიფიკაციო მონაცემების დამადასტურებელი დოკუმენტები, თუ მისი ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში ასახულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება დისკვალიფიცირებული პრეტენდენტის ფასს ან/და ამ შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

იმ შემთხვევაში, თუ ყველაზე დაბალი ფასის მქონე პრეტენდენტი ყველა ზემოთხსენებულ ეტაპს წარმატებით გაივლის. ამ პრეტენდენტის მიერ საკვალიფიკაციო მონაცემების წარმოდგენიდან 5 დღის ვადაში შემსყიდველი ორგანიზაცია მასთან დებს სახელმწიფო შესყიდვის შესახებ ხელშეკრულებას.

B. საკვალიფიკაციო მოთხოვნები

2. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1. იურიდიული პირისათვის და ინდივიდუალური მეწარმისათვის:

ა) ცნობა შესაბამისად უფლებამოსილი ორგანოდან, რომ არ მიმდინარეობს გადახდისუნარობის საქმის წარმოება.

ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიიდან.

გ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიიდან რომ არ ხორციელდება იურიდიული პირის რეორგანიზაცია ან ლიკვიდაცია.

დ) ცნობა შესაბამისად უფლებამოსილი ორგანოდან ბიუჯეტთან ანგარიშსწორების შესახებ.

თუ პრეტენდენტი არის უცხო ქვეყნის მეწარმე სუბიექტი მან უნდა წარმოადგინოს შესაბამის ქვეყანაში გაცემული, აპოსტილით ან ლეგალიზაციით (თუ ეს ქვეყანა არ არის აპოსტილის გაუქმების შესახებ კონვენციის წევრი) დამოწმებული დოკუმენტი, რომელსაც თან უნდა დაერთოს სათანადო ნოტარიული წესით დამოწმებული ქართული თარგმანი.

2.2. ფიზიკური პირებისათვის

ა) ნასამართლობის შესახებ ცნობა შესაბამისად უფლებამოსილი ორგანოდან, რომელითაც დასტურდება, რომ პირი არ არის ნასამართლვეი საქართველოს სისხლის სამართლის კოდექსის შემდეგი თავებით გათვალისწინებული დანაშაულებისთვის: თავი XXVI დანაშაული სამეწარმეო ან სხვა ეკონომიკური საქმიანობის წინააღმდეგ და თავი XXXIX სამოხელეო დანაშაული.

ბ) პირადობის მოწმობის ან პასპორტის მოწმობის ასლი.

პრეტენდენტს არ აქვს უფლება წარმოადგინოს ალტერნატიული წინადადება.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გათვალისწინებულ გონივრულ ვადაში, მაგრამ არაუგვიანეს ხუთი დღისა მოთხოვნიდან. საკვალიფიკაციო მონაცემების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს ტენდერის გამოცხადების (სატატუსი – „ტენდერი გამოცხადებულია“) შემდეგ.

ტექნიკური დავალება

3.1.შესასყიდი ობიექტის დასახელება, რაოდენობა, აღწერილობა

3.1.1. შესყიდვის ობიექტია კვების მომსახურება შემსყიდველი ორგანიზაციის ორგანიზაციის მოთხოვნის შესაბამისად.

3.1.2. კვების მომსახურება გულისხმობს 300 პერსონაზე „სადილის“, 300 პერსონაზე „მცირე სადილის“ და 1500 პერსონაზე „ყავა-შესვენების“ მიწოდების მომსახურებას.

3.1.3. ერთ პერსონაზე სადილი მოიცავს შემდეგ კერძებს და კვების პროდუქტებს:

- ა. ცხელი საჭმელი – 130გრ.
- ბ. სალათი (ასორტიმენტი)-150გრ.
- გ. კარტოფილი ფრი-200 გრ.
- დ. ხაჭაპური/ლობიანი-100გრ.
- ე. ყველი (ასორტი)- 70გრ.
- ვ. კიტრი-პომიდორის სალათი (ან მჟავის ასორტი)-150გრ.
- ზ. ბუტერბროდი (ყველით, ლორით, ზეთის ხილი, მჟავე კიტრი)- 1 ცალი
- თ. წყლები (კოკა-კოლა, ფანტა, მინერალური)-0.5მლ
- ი. პური – 80 გრ
- კ. საწებელი - 50გრ

3.1.4. ერთ პერსონაზე „მცირე სადილი“ მოიცავს შემდეგ კერძებს და კვების პროდუქტებს:

- ა. ცხელი საჭმელი – 130გრ.
- ბ. სალათი (ასორტიმენტი)-150გრ.
- გ. ხაჭაპური/ლობიანი – 100გრ.
- დ. წყლები (კოკა-კოლა, ფანტა, მინერალური)
- ე. პური - 80გრ.

3.1.5. ერთ პერსონაზე ყავა-შესვენება მოიცავს შემდეგ კვების პროდუქტებს:

- ა. ყავა – 1 ფინჯანი
- ბ. ჩაი – 1 ფინჯანი
- გ. წყალი - 0.5მლ
- დ. ორცხობილა - 50გრ.

მისაწოდებელი კერძები და კვების პროდუქტები თავისი საგემოვნებო თვისებებით უნდა შეესაბამებოდეს შესაბამის სტანდარტებს და უნდა იყოს საკვებად ვარგისი და ჯანმრთელობისთვის უვნებელი, რაზეც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით.

3.2. შესყიდვის ობიექტის მიწოდების ვადები

შესყიდვის ობიექტის მიწოდება განხორციელდება ეტაპობრივად, შემსყიდველი ორგანიზაციის მოთხოვნის შესაბამისად, ხელშეკრულების ძალაში შესვლის დღიდან 2011 წლის 31 დეკემბრის ჩათვლით არსებული პერიოდის განმავლობაში.

3.3. შესყიდვის ობიექტის მიწოდების ადგილი

შესყიდვის ობიექტის მიწოდების ადგილია ქ. თბილისი, გორგასლის 24.

3.4. შესყიდვის ობიექტის ღირებულების გაანგარიშება

მიმწოდებლის მიერ შემოთავაზებული შესყიდვის ობიექტის ღირებულება უნდა დაანგარიშდეს შემსყიდველი ორგანიზაციის მიერ განსაზღვრული კვების მომსახურების ფასთა ცხრილის ფორმით (სატენდერო დოკუმენტაციის დანართი №1) და მის შესაბამისად. მიმწოდებლის მიერ წარმოდგენილ ფასთა ცხრილში მითითებული ერთეულის ღირებულებები უნდა ითვალისწინებდეს შესასყიდი მომსახურების გაწევისათვის

საჭირო ყველა ხარჯს, მათ შორის, კერძების და კვების პროდუქტების ტრანსპორტირების ხარჯს და მოქმედი კანონმდებლობით გათვალისწინებული ყველა გადასახადს, დღგ-ს ჩათვლით.

3.5. ანგარიშსწორების სავალდებულო პირობები

3.5.1. წინაწარი ანგარიშსწორება არ განიხილება.

3.5.2. მიმწოდებელს შესყიდვის ობიექტის ღირებულება აუნაზღაურდება უნაღლო ანგარიშ-სწორებით, ფაქტობრივად გაწეული მომსახურების მოცულობის გათვალისწინებით, შესაბამისი მიღება-ჩაბარების აქტის გაფორმების შემდეგ.

D. პრეტენდენტის ტექნიკური დოკუმენტაცია

4.1. პრეტენდენტმა უნდა წარმოადგინოს შესაბამისად უფლებამოსილი პირის მიერ ხელმოწერილი დოკუმენტი, რომლითაც განისაზღვრება სატენდერო წინადადების მოქმედების ვადა, რომელიც არ უნდა იყოს 30 დღეზე ნაკლები, რომლის ათვლაც დაიწყება სატენდერო წინადადების სიტემაში ატვირთვის დღიდან.

4.2. პრეტენდენტმა უნდა წარმოადგინოს მისაწოდებელი მომსახურების ფასთა ცხრილი სატენდერო დოკუმენტაციით განსაზღვრული ფასთა ცხრილის ფორმით (დანართი №1) და მის შესაბამისად.

4.3. პრეტენდენტმა უნდა წარმოადგინოს სათანადოდ დადასტურებული დოკუმენტი სადაც ასახული სატენდერო დოკუმენტაციის ტექნიკური დავალებით გათვალისწინებული ყველა საკითხი ან სათანადოდ დადასტურებული დოკუმენტი, სადაც მითითებული იქნება პრეტენდენტის თანხმობა სატენდერო დოკუმენტაციის ტექნიკური დავალებით გათვალისწინებულ ყველა პირობაზე.

4.4. შემსყიდველ ორგანიზაციას წარედგინება ელექტრონული გარანტიის დედანი და საფასურის გადახდის დამადასტურებელი დოკუმენტი, ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში.

4.5. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი იურიდიული პირის სამართლებრივ-ორგანიზაციული ფორმის, ხელმძღვანელობის უფლების მქონე პირების, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ.

4.6. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.

4.7. სახელმწიფო შესყიდვების ერთიან ელექტრონულ სისტემაში პრეტენდენტის (იურიდიული პირის შემთხვევაში) მიერ ატვირთულ ტექნიკურ დოკუმენტაციაში ნებისმიერი ინფორმაცია დადასტურებული უნდა იყოს მეწარმეთა კანონის მე-9 მუხლით განსაზღვრული ხელმძღვანელობის უფლების მქონე პირების ხელმოწერით (თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი) და კომპანიის ბეჭდით.

სატენდერო დოკუმენტაციასთან დაკავშირებით დამატებითი ინფორმაციის მიღება შეუძლია პრეტენდენტს შეუძლია სატენდერო კომისიის აპარატში წერილობითი მიმართვის შემთხვევაში, მისამართზე: ქ.თბილისი, გორგასლის 24, საქართველოს იუსტიციის სასწავლო ცენტრი. ტელეფონი: 405 103 საკონტაქტო პირი – რობერტ მაღლაკელიძე

კვების მომსახურების ფასთა ცხრილი

მომსახურების დასახელება	განზომილების ერთეული	რაოდენობა	მომსახურების ღირებულება 1 პერსონაზე	მომსახურების საერთო ღირებულება
„სადილი“ ა. ცხელ საჭმელი – 130გრ ბ. სალათი (ასორტიმენტი)-150გრ. გ. კარტოფილი ფრი-200 გრ. დ. ხაჭაპური/ლობიანი-100გრ. ე. ყველი (ასორტი)- 70გრ. ვ. კიტრი-პომიდორის სალათი (ან მჟავის ასორტი)-150გრ. ზ. ბუტერბროდი (ყველით, ლორით, ზეთის ხილი, მჟავე კიტრი)- 1 ცალი თ. წყლები (კოკა-კოლა, ფანტა, მინერალური)-0.5მლ ი. პური – 80 გრ კ. საწებელი - 50გრ	მომსახურება 1 პერსონაზე	300 პერსონაზე		
„მცირე სადილი“ ა. ცხელი საჭმელი – 130გრ. ბ. სალათი (ასორტიმენტი)-150გრ. გ. ხაჭაპური/ლობიანი – 100გრ. დ. წყლები (კოკა-კოლა, ფანტა, მინერალური) ე. პური - 80გრ.	მომსახურება 1 პერსონაზე	300 პერსონაზე		
„ყავა-შესვენება“ ა. ყავა – 1 ფინჯანი ბ. ჩაი – 1 ფინჯანი გ. წყალი - 0.5მლ დ. ორცხობილა - 50გრ.	მომსახურება 1 პერსონაზე	1500 პერსონაზე		
ჯამი				

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის ტექნიკური დავალებით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

სახელმწიფო შესყიდვის შესახებ ხელშეკრულება №01/10/

ქ. თბილისი

- -----, 2011 წელი

ერთის მხრივ, სსიპ – საქართველოს იუსტიციის სასწავლო ცენტრი, (შემდგომში – შემსყიდველი ორგანიზაცია), წარმოდგენილი მისი დირექტორის ნინო ბერუაშვილის სახით და მეორეს მხრივ, „-----“ (შემდგომში - მიმწოდებელი), წარმოდგენილი მისი დირექტორის ----- სახით, გხელმძღვანელობთ რა „სახელმწიფო შესყიდვების შესახებ“ საქართველოს კანონის და საქართველოში მოქმედი სხვა კანონმდებლობით, გამარტივებული ელექტრონული ტენდერის პროცედურების გამოყენების შედეგად, ვღებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია კვების მომსახურების შესყიდვა შემსყიდველი ორგანიზაციის მოთხოვნის შესაბამისად.

1.2. კვების მომსახურება გულისხმობს 300 პერსონაზე „სადილის“, 300 პერსონაზე „მცირე სადილის“ და 1500 პერსონაზე ყავა-შესვენების მიწოდების მომსახურებას.

1.3. ყოველ ჯერზე გასაწევი კვების მომსახურების სახეობა, რაოდენობა და ხანგრძლივობა განისაზღვრება შემსყიდველი ორგანიზაციის შესაბამისი მოთხოვნით.

1.4. ერთ პერსონაზე ამ ხელშეკრულებით გათვალისწინებული კვების მომსახურებების მოცულობები განისაზღვრება მიმწოდებლის მიერ წარმოდგენილი კვების მომსახურების ფასთა ცხრილით, რომელიც დანართი №1-ის სახით თან ერთვის ხელშეკრულებას და მის განუყოფელ ნაწილს

2. შესყიდვის ობიექტის ღირებულება.

2.1. შესყიდვის ობიექტის ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად, საქართველოში მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

2.2. შესყიდვის ობიექტის საერთო ღირებულება შეადგენს ----- (-----) ლარს, საქართველოს მოქმედი კანონმდებლობით დადგენილი გადასახადების გათვალისწინებით, დღგ-ს ჩათვლით.

III. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება განხორციელდება ეტაპობრივად, შემსყიდველი ორგანიზაციის მოთხოვნის შესაბამისად, ხელშეკრულების ძალაში შესვლიდან 2011 წლის 31 დეკემბრის ჩათვლით არსებული პერიოდის განმავლობაში.

3.2. შესყიდვის ობიექტის მიწოდების ადგილია ქ. თბილისი, გორგასლის 24.

IV. შესყიდვის ობიექტის მიღება-ჩაბარების წესი

შესყიდვის ობიექტი ან მისი ნაწილი ჩაითვლება მიღებულად მისი ფაქტობრივი მიწოდების და მხარეთა შორის შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, უნაღლო ანგარიშსწორებით სახელმწიფო ბიუჯეტის სახსრებით.

5.2. მიმწოდებელს შესყიდვის ობიექტის ღირებულება აუნაზღაურდება ყოველი მოთხოვნის საფუძველზე ფაქტობრივად გაწეული მომსახურების ღირებულება, შესაბამისი მიღება-ჩაბარების აქტის გაფორმების შემდეგ, შესაბამისი ანგარიშ-ფაქტურის წარმოდგენიდან 30 დღის ვადაში.

5.3 ანაზღაურების ადგილია ქობილისი.

VI. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

6.3. შემსყიდველ ორგანიზაციას უფლება აქვს:

- განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;

- მოსთხოვოს მიმწოდებელს მიწოდებული შესყიდვის ობიექტის ინსპექტირების შედეგად გამოვლენილი ხარვეზების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

- შესაბამისი წერილობითი შეტყობინებიდან 2 (ორი) დღის ვადაში საკუთარი ხარჯებით უზრუნველყოს მიწოდებული შესყიდვის ობიექტის ინსპექტირების შედეგად გამოვლენილი ხარვეზების აღმოფხვრა, დეფექტური საქონლის გამოცვლის გზით;

- მიაწოდოს შემსყიდველ ორგანიზაციას საკვებად ვარგისი და ჯანმრთელობისთვის უვნებელი კვების პროდუქტებისაგან დამზადებული კერძები და კვების პროდუქტები.

6.5. მიმწოდებელს უფლება აქვს:

- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

ხელშეკრულების ინსპექტირებას შემსყიდველი ორგანიზაციის მხრიდან განახორციელებს შესაბამისი უფლებამოსილების მქონე თანამშრომელი.

VIII. გარანტია

მიმწოდებელი აცხადებს რომ ამ ხელშეკრულების საფუძველზე გაწეული მომსახურება სრულად შეესაბამება ხელშეკრულების პირობებს და მომსახურების ამ სფეროში დამკვიდრებულ სტანდარტებს.

IX. მხარეთა პასუხისმგებლობა ხელშეკრულების პირობების დარღვევისას

9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.

9.2. თუ ხელშეკრულების ერთი მხარე არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს დამატებით ვადას ნაკისრი ვალდებულებების შესრულებისათვის.

9.3. თუ დამატებით ვადაშიც მხარე კვლავ არ ასრულებს ან არსებითად არღვევს ნაკისრ ვალდებულებებს, მეორე მხარეს უფლება აქვს ცალმხრივად ვადაზე შეწყვიტოს ხელშეკრულების მოქმედება.

9.4. ხელშეკრულების მხარეს, მის მიერ ნაკისრი ვალდებულების შეუსრულებლობის შემთხვევაში, დაეკისრება პირგასამტეხლო ვალდებულების შეუსრულებლობის ყოველ დღეზე შესყიდვის ობიექტის საერთო ღირებულების 0.3 პროცენტის ოდენობით.

9.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 3 (სამი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9.6. ამ მუხლით გათვალისწინებული პირგასამტეხლოების დაკისრება არ ათავისუფლებს მხარეს ძირითადი ნაკისრი ვალდებულების შესრულებისგან.

X. ფორს-მაჟორული სიტუაციები

10.1. მხარეები პასუხისმგებელი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების, მათი გამომწვევი მიზეზების შესახებ.

10.3. თუ ფორს-მაჟორული გარემოებების გამო სახეზეა მხარის მიერ ვალდებულების დროებითი შეუსრულებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შეუსრულებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების ვადის გაგრძელებაზე, ის წყვეტს ხელშეკრულების მოქმედებას.

XI. ხელშეკრულების პირობების გადასინჯვა

11.1. მხარეთა შეთანხმებით შესაძლებელია განხორციელდეს ხელშეკრულების პირობების ნებისმიერი ცვლილება, გარდა ისეთი ცვლილებისა, რომლითაც იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული შემთხვევებში ხელშეკრულების ღირებულების გაზრდა დასაშვებია ხელშეკრულების ღირებულების 10 პროცენტის ოდენობის ფარგლებში.

11.2. ნებისმიერი ცვლილება და დამატება ამ მუხლის გათვალისწინებით ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XII. ხელშეკრულების მოქმედების ვადა

ხელშეკრულება ძალაშია 2011 წლის ----- (თვე რიცხვი) და მოქმედებს 2011 წლის ----- (თვე, რიცხვი) ჩათვლით.

XIII. ხელშეკრულების მოქმედების შეწყვეტა

13.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

13.2. ხელშეკრულება შეიძლება შეიძლება შეწყდეს ერთი მხარის მიერ ცალმხრივად:

13.2.ა. თუ მეორე მხარე დამატებით ვადაშიც არ ასრულებს ან არსებითად არღვევს ხელშეკრულებით ნაკისრ ვალდებულებას.

13.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება. სამოქალაქო კოდექსის 398 მუხლით გათვალისწინებული გარემოებების გამო ხელშეკრულების შეწყვეტისას შემსყიდველმა ორგანიზაციამ უნდა აუნაზღაუროს მიმწოდებელს აღნიშნულ გარემოებებამდე განხორციელებული მიწოდება.

13.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება შეუძლებელია დროებით და მეორე მხარე უარს ამბობს ვალდებულების შესრულების ვადის შესაბამისი ვადით გაგრძელებაზე. ფორს-მაჟორული გარემოებების გამო შესყიდვის ობიექტის მიწოდების შეუძლებლობის გამო ხელშეკრულების შეწყვეტისას მიმწოდებელს უნდა ანაზღაურდეს ფორს-მაჟორული გარემოებების დადგომამდე განხორციელებული მიწოდება.

XIV. დავა და მისი გადაწყვეტის წესი

14.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

14.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

XV. სხვა პირობები

15.1. ამ ხელშეკრულებით გათვალისწინებული პირობები რეგულირდება საქართველოს მოქმედი კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

*XVI. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი*

შემსყიდველი ორგანიზაცია:

საქართველოს იუსტიციის სასწავლო ცენტრი
უფლებამოსილი წარმომადგენლის სახელი და გვარი: ნინო ბერუაშვილი
მისამართი: ქ.თბილისი, გორგასლის 24
საბანკო რეკვიზიტები: სახელმწიფო ხაზინა -220 101 222
ხაზინის ერთიანი ანგარიში – 200 122 900
ორგანიზაციის სახაზინო კოდი 0146
საიდენტიფიკაციო კოდი - 204423230

დირექტორი

ნ. ბერუაშვილი

მიმწოდებელი:

უფლებამოსილი წარმომადგენლის სახელი და გვარი: -----
მისამართი: -----
საბანკო რეკვიზიტები ს.ს. „-----“ ცენტრალური ფილიალი, ა/ა №-----, ბ/კ №-----
-----, ს/კ №-----

-. -----

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდეების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.